

լինիցին պատրաստ Օրն որում նշանաւորեալ վասն դատողութեան:

### Գ Լ ՈՒ Ն ՇԶ.

'ի դռանէ դատաստանէ ընտրեսցի իննսուն և չորս այր բարեգործ և համբաւոր, 70 'ի նոցանէ վասն որոնելոյ մաքրութիւն և կամ աղտեղութիւն մեղաւորի, և 24 'ի նոցանէ վասն դատելոյ, այլ 12 'ի 24 առնէ պիտոյ է լինիլ 'ի ընտրողութենէ մեղաւորի, որում լինիցի 'ի նմանէ գանգատեցեալ:

### Գ Լ ՈՒ Ն ՇԷ.

Օրն դատողութեան քրէական մեղաւորի ելցէ իշխան խորհրդակցօք հանդերձ գունտ մի գօրօք երկուս զրօշակօք և մտցէ 'ի յապարանն դատաստանի, և բազմեսցի վերին աստիճան, և 'ի ներքոյ աստիճանի նստցի դատաւոր քաղաքին ընդ խորհրդակցօք, և 'ի վայր աստիճանի դպիրք և ատենաբանք, և 'ի ատենի սոցա 94 նշանաւոր անձինքն, եթէ որոնողք, և եթէ դատողք: Նախ երգմնեցուցանեն 70 առն որոնողաց, և ապա 24 առն դատողաց 'ի վերայ սրբոյ Աւետարանի զի նոքա խոռոտովան լինին առաջի ատենի իշխանի և դատաւորաց, այն որ ըստ օրինաց հայոց, և 'ի բնական բնութեան և բանական զօրութենէ հոգւոյ մարդոյ զկամս և զխորհուրդս և վճիռս իւ-